



PROCLAMACION

NOS

PRINS BABY:

Almirante di Ceri N° Sirihana
Gobernador di Cas Au. Cataishi
Gran comandante di Mascarama te Warawara
Papi Dois di Santa Cruz completo

PANCHO: CHOL

Teniente di Canashito
Coronel di Jucuri
Capitan di Sero Biento
Valentino di Hooiberg

PRINS BABY Y PANCHO CHOL

Humilde sirbientenan di poblacion camavalesco di Aruba

CONSIDERANDO:

Cu pa Carnaval di e isla feliz Aruba sigui brilla, resplandece, luci, clarece, sobresali y supera su mes y tur carnaval na mundo, ta anuncia su decisionnan pa e temporada camavalesco nos dilanti.

1 --- Entrante awe, Prins Baby y Pancho Chol cu tranquilidad camavalesco ta ocupa Caruso FM na Bruinewijk, Savaneta como Centro di Operacion y Jucuri 3 como Palacio di carnaval.

2 --- Como cu ningun gobierno por a soluciona problema di ilegalnan, nos gobierno camavalesco lo otorga na tur ilegal riba Aruba un lumpsum igual na un aña di sueldo, pa legalmente nan bandona nos isla.

3 --- Ultimo dianan asunto di Kustwacht a bin den noticia strobe. Pa soluciona e problema aki den temporada di carnaval, ta pidi cooperacion di tur piscado pa entrega nan boto, pa asina ocupa esaki cu chollenan pa vigila nos costa durante carnaval, pero cu prohibicion di kima nos lama.

4 --- Pa soluciona e problema di ausentismo den gobierno y den sector priva. Entrante fin di e luna aki, pa segura cu ta ser traha y produci, lo no paga sueldo na efectivo ni cu check mas. Tur trahador lo wordo paga cu Performance Bonds.

5 --- Pa duna confianza na habitantenan di un isla den nos region den nan awa di bobe, entrante awe tur habitante di e isla di carnaval ta obliga pa cumpra awa importa di e isla en cuestion, cu lo carga number di "Kakehwater".

6 --- Pa combati "malesanan di adultonan" y pa evita explosion di poblacion aki 9 luna, manteniendo significacion di carnaval na halto, esta "pone camu un banda", tur camavalesista ta drecha na yuna entrante e momento aki pa tur local ta encera camu.

7 --- Pa percura pa seguridad fisico di tur nos parlamentarionan, entrante awe no ta permiti den parlamento ningun scotter, tayo, koppie, cuchara, cuchu ni forki traha di otro material cu no ta carton.

8 --- Pa resolve problema di vivienda, tur doño di trailer cu dak, despues di carnaval ta pone nan trailer na disposicion di nos gobierno, pa asina por alivia hopi habitante y forma un trailerpark como atraccion turistico riba Sero Biento.

9 --- Pa tranquiliza habitantenan den vecindario di Entertainment Center y Klip y pa spaar nan e placa di gastonan judicial pa boroto, lawaa, y desorden, nos gobierno cu cooperacion di QUOTA lo suministra cada habitante cu Earplugs durante nos gobernacion di Carnaval.

10 --- Pa pone fin na maltrato di hende muher, maltrato di hende bomber, y maltrato di bestia y animal, durante temporada di carnaval ta elimina tur contrato di matrimonio di manera cu eanan casa ta bira soltero of soltera y soltero y solteranan mag acompaña pacificamente.

11 --- Como cu SAC e aña aki ta ricibi hopi fondo di ASOMA como entrada di Calypso y roadmarch contest y di tumba, ta obliga SAC pa den lunanan october y november cubri tur gasto di nacementonan cu ta productonan di carnaval.

y por ultimo, pa cumpli cu anhelo di nos pueblo camavalesco lo construi un cura di baco pa tur canan contra decisionnan di juradonan worde cesa aden pa eynan nan por grita Boocooce!!!!

Y tambe e proyecto di radar ta ser converti den radar miniatura obligatorio pa tur chofer por distingui number di esun nan dilanti riba carretera.

Ya cu custumber ta cu ex mandatarionan no ta keda sin ocupacion, a dicidi pa mandatarionan saliente lo siguiente:

A --- Gobernador di Aruba ta bay navega riba Barco di desecho di Plutonio, pa studia e posibilidad pa converti e barco aki den "Plutonium Cruise Ship Aruba".

B --- Nos Prome Ministro y Ministro di Justicia lo bay pasa e temporada aki den KIA pa haya sabor di estadia cu ta ser prepara pa eanan cu mester ser buzga pa caso di Aruba Palm Beach Hotel, y Beta Hotel.

C --- Nos ministro di Deporte lo deporta pa pasa entrenamiento den Piscina Olimpico conoci como Dam di Rooi Afo, pa otro aña na Atlanta participa den Weganan Olimpico den certamen di Belleza Deportivo.

D --- Pa elimina e deficit di nos presupuesto, Ministro di Finanzas lo haya encargo pa sinta riba antenne di Caruso Booi FM, pa corta e baranca di Diamante na mil pida, cu sambetchi di rubber.

E --- E demas ministronan di nos isla durante temporada di carnaval ta haya encargo pa sinta riba Sero Colorado cu Flashlight pa dirigi trafico aereo na momento di blackout na Corsow.

CONCLUSION:

Pa carnaval di Aruba keda ocupa prome puesto den seguridad y su imagen di "Carnaval mas sigur na mundo" y pa mantene e bunita reputacion di isla di orden, disciplina, cordialidad y hospitalidad, nos ta pidi tur hende pa yuda conserva nos turismo como nr. 1 di Caribe cu tur dignidad, sentido civico y amabilidad durante carnaval 41.

PANCHO CHOL ta keda encarga pa ehecuta e decreto aki y percura pa fax wordo manda pa tur canal di Cable TV na Merca, Europa, Azia, Antica y Antartica, Australia, Africa, y Station MIR rusiano den espacio manera el a ser formula y presenta.